

Ignante che see masa tarde

Scrie ladin, lieše ladin, soralduto parlà ladin. Da 'l libro su ra storia de ra leteratura ladina, nasce pensiere e pugnós, su 'l vive de ancuoi, inze ra nostra vales. El gramarzé de Anpezo a Rut Bernardi e Paul Videsott, par el so laoro



Tre libre, scrite par todesco, ma se pensa de i volta anche par talian. Mile e zinchezento pajines, par 'na storia coscita longa e bela.

De ra leteratura ladina in Anpezo, el pi bel che se pó contà, 'l é che ra esiste. Rut Bernardi, che r'à betù aduna chesto gran laoro, tre libre, mile e zinchezento pajines, su ra leteratura ladina, r'à dito chesta gran verità, a i anpezane, canche r'é ruada ca a parlà de chesto studio. Aduna con Paul Videsott i é drio a pasà da una val a cher'outra, par fei conosce, par insegnà, par fei pensà sora.

"Ancuoi 'l é ancora sente, e finamai Ladis, che i pensa che una leteratura ladina ra no esiste" – ra me disc Rut Bernardi, ignante de

de ra zinche vales de el Sela" – el sonta Paul Videsott. El conta de el laoro fato da ra Università da Bolzan, par chesto libro, ma pi che see de chel che r'à fato Rut Bernardi, par 54 mesc. Chesto no n'é de seguro el prin libro, su ra leteratura ladina, parcé che outre aea betù pede algo, ignante, da Teodor Gartner sà zento ane, a Walter Belardi, da Roma, de 'l 1985, ignante de ra leje 482, de 'l 1999, che me defende, che me precura: "Belardi 'l à vorù mostrà a duta r'Italia che el Ladin 'l é una lingua, a dute i efete, conpain de

parlà inze ra sala don Pietro Alverà. Dapò ra scomenza a contà, de chel che i à ciatà fora, de i scrite da 'l 1631 fin de 'l 2012, par calche autor fin de 'l 2013, de sugno. Da 'l discorso artistico, storico, leterario, se pasa a chel politico: "Fin che no son adora a bete aduna dute i Ladis co ra politica, doron ra leteratura: chesto libro el tien aduna dute i Ladis,

ches'outrés".

Par Anpezo i à ciatà fora 35 gnomes, de chi 245 de ra Ladinia: poche, se dijarà. E poco indrio, inze i anes. Da 'l vecio in fora, se ciata poco. E da ca inaante se ciatarà ancora de manco, se i soen no ciapa inze, ades che el ladin se 'l parla poco, se 'l scrite ancora de manco. Ra Università da Bolzan r'é r'unica con 'na ripartizion ladina, a Parsenon, ma no n'é studentes de Anpezo. Una ota i nostre soen, chi che vorea studià e mangiare i manciaa i sode, i sia a Parsenon, inze 'l seminario, e trope deentaa prees, i vere inteletuales de inalora.

"Chesto 'l é un libro fato par i Ladis, con i Ladis, parcé che s'à parlà co ra parsones, s'à daerto i archivie, ra biblioteches, ra ciafes de ra parsones, che aea algo de scrito, mangiare mai vedù da negun, mai publicà" – 'l é stà dito a ra presentazion. E 'pò s'à parlà de ra scora, che mancia. Algo 'l é stà dito da ra maestres, da ra profesoreses, da ci che insegna a i scolare, a i studentes. Ra scora ra pó fei algo, se sà, ma poco. Ci che à da mudà pensier, su 'l ladin, 'l é ra families. Bešen tornà a aé amor par ra nostra parlada. Ma ocore se sentreà, ignante che see masa tarde.